

# La BCG lantscha dus novs fonds strategics

## Dapli schanzas da rendita ed in management da ristgas sistematic

Cuira, ils 20 d'avust 2018 – Cun ses nov fond strategic porscha la Banca Chantunala Grischuna (BCG) a ses investiders la pussaivladad da participar a las bursas gia cun pitschens imports. Cun ina protecziun cunter «Tail Risk» per evitar ristgas extremas possedan quests fonds in argument da vendita exclusiv sin il martgà en cumparegliaziun cun fonds strategics d'enfin ussa.

Per investiders privats èsi grev ed i dovra bler temp da selecziunar il dretg titel per in portfolio diversifitgà vastamain. Savens mancan er ils meds finanzials. En in tal cas fan senn fonds strategics che investeschan sistematicamain en numerusas aczias ed obligaziuns sco er en products alternativs.

### Retgavs regulars

Cun investir en il fond strategic via il deposit d'investiziun da la BCG profitan clients privats da retgavs regulars. En omadus cas distribueschan las parts dal fond in gudogn. Cun las strategias «gudogn» (en media 22.5 pertschient aczias) ed «equilibrà» (en media 45 pertschient aczias) decidan ils clients a tge ristga resp. a tge fluctuaziuns dal curs ch'els vulan s'exponer.

### Protecziun cunter ristgas extremas

Ristgas da perdita da products finanzials – en spezial la pussaivladad da «Tail Risk» – na valiteschan investiders savens betg correctamain. «Tails» èn grondas perditas ch'èn pli frequentas che quai che lascha supponer la distribuziun normala da las renditas. Omadus fonds cuntengan sco segirezza l'uschenumnada protecziun cunter «Tail Risk». «Uschespert che noss indicaturs mussan ina ristga augmentada, reducin nus nossas posiziuns d'aczias. Uschia evitain nus che nossas investidras e noss investiders suondian tut il moviment aval dal martgà d'aczias», declera dr. Martina Müller-Kamp, manadra Investment Center BCG.

Enfin la fin da december 2018 pon omadus fonds strategics vegnir suttascrits senza ina cumissiun d'emissiun.

Infurmaziuns davart ils dus novs fonds strategics sco era davart ils ulteriurs fonds d'investiziun da la BCG èn disponibilas sut [gkb.ch/strategiefonds](http://gkb.ch/strategiefonds) resp. [gkb.ch/anlagefonds](http://gkb.ch/anlagefonds).

### Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

**Termins**

Quint annual 2018: 8 da favrer 2019

Radunanza dals participants 2019: 4 da matg 2019

---